

443A

no. 9

## DISCOVRS

Sur les conférences faites entre Monseigneur le Prince, Monsieur de Villeroy, & autres deputez de leurs Majestez.




A PARIS,

Del'Imprimerie d'Anthoine du Brueil , entre le  
pont S. Michel & la rue de la Harpe,  
à l'estoille couronnee,

---

M. CD. XV.

The first of these is the  
 fact that the number of  
 cases of the disease has  
 increased in the last few  
 years. This is due to the  
 fact that the disease is  
 more common in the  
 tropics than in the  
 temperate zones. It is  
 also more common in the  
 lower social classes than  
 in the upper. This is  
 due to the fact that the  
 lower social classes are  
 more exposed to the  
 disease than the upper.  
 The second fact is that  
 the disease is more  
 common in the summer  
 months than in the winter  
 months. This is due to  
 the fact that the disease  
 is more common in the  
 tropics than in the  
 temperate zones. It is  
 also more common in the  
 lower social classes than  
 in the upper. This is  
 due to the fact that the  
 lower social classes are  
 more exposed to the  
 disease than the upper.  
 The third fact is that  
 the disease is more  
 common in the lower  
 social classes than in the  
 upper. This is due to  
 the fact that the lower  
 social classes are more  
 exposed to the disease  
 than the upper.



# DISCOURS SVR LES

conferences faictes entre Monseigneur  
le Prince, Monsieur de Ville-  
roy, & autres deputez  
de leurs Ma-  
jestez.

36.<sup>e</sup> piece.



Eurs Majestez s'estoient re-  
souts au voyage de Guyenne  
dés le mois dernier de Juillet, &  
pour ce suiet ayans, auparauant  
leur depart, essayé de composer  
toutes choses doucement pour  
le repos de la France, restant le  
contentement à donner à Messieurs les Princes  
absens & retirez de de la Cour, & de là les inviter à  
l'assistâce du Roy comme il y sont tenus & obli-  
gez, ont este enuoyez à diuerses fois le sieur de  
Villeroy & autres hommes d'estat en Picardie  
vers monsieur le Prince, pour l'assurer de la bien-  
veillance de leurs dittes majestez enuers sa per-  
sonne, remonstrans le desir qu'elles auroient de le  
voir au pres d'eux, & la necessité presente de la  
personne en vne affaire de si grande importance,  
& mesme auroient esté lesdits sieurs deputez  
chargez d'une lettre escrite a mon dit sieur le Prin-



& de la part du Roy par laquelle sa majesté le se-  
mond de son deuoir avec toute sorte de benigni-  
té & douceur, promettant anecluy donner ordre  
aux choses dont il se dir estre complaignant, mes-  
content, absent & retiré: à quoy apres plusieurs  
& diuerles conferences continuees en plusieurs  
iours en diuets voyages, il se voit mesme par la  
responce de la sienne a saditte Majesté qu'il ne  
peut par ses raisons obtemperer à ses commande-  
mens de se rendre aupres d'elle & se resoudre si  
soudainement au voyage, qui, comme il dit, ne  
peut ny ne doit estre entrepris qu'auparant on  
n'ait mis ordre au dedans du Royaume.

Je Confesse librement deuant tous que ce n'est  
mon mestier de porter ma marotte au conseil des  
Grands, ny de parler de leurs desseins & resolu-  
tiōs, aussi n'aye intentiō d'é discourir que selō les  
loix de l'honneur & de la modestie: mais ie suis  
François & tout à fait François qui aime mon  
Roy, & la Royne sa Mere, ma tres honoree  
Dame, parquoy ie croy, en consideration de cest  
amour, estre exempt de crime & de blasme si ie  
parle vn peu librement, ie ne peux rien dissimul-  
ler de ce que ie pense estre à dire entre les bons &  
naturels sujets d'vn Estat, & suis aucunement  
certain que ce que ie diray pourra, sinon à tous  
au moins euer quelques vns trouuer aduen &  
passeport, puis que ce qui suit cy apres n'est qu'vne  
pure remonstrance pour faire cognoistre les dan-  
gers dans lesquels telles menees peuvent precipi-  
ter vn Estat, & ce par le rapport de plusieurs exē-  
ples cy apres rapportez.

N'est il pas donc certain, ie le dis sans flatter, que toutes entreprises contre le Souuerain, quelque but & obiet qu'elles ayent, soit en effect soit en apparence sont & ont esté de tout temps funestes & ruineuses à leurs auteurs : tous ceux par les siecles passez qui ont prins ce chemin, au lieu des'aduancer s'y sont perdus : nos liures & nos histoires sont pleines de signalees & memorables preuues de mon dire, lesquelles il seroit superflu de représenter à celuy qui mesurant les grands desseins plus à la raison qu'à l'issue, ne regarde pas tant ce qui se peut que ce qui se doit faire : en cecy & iusques icy s'est monstré Monsieur le Prince tres sage & aduisé, qui tousiours a craint d'attirer sur soy la haine & malediction publique par l'ouuerture d'une guerre qui se pourroit imaginer en ses desirs, & n'a garde de laisser à la posterité sa memoire flestrie du reproche d'auoir par vn zele inconsideré de mettre ordre aux abus du Royau-me, troubler la paix & l'harmonie de l'Estat pendant le bas aage du Roy : ie sçay qu'il y a (& les Princes de sa marque n'en manquent guieres) des esprits turbulens & corrosifs autour de luy, soit de leur presence, soit de leur conseil en leur absence, qui poussez de considerations part culieres, s'efforcent de luy enfler le courage de nouuelles & chatouilleuses esperances : mais il a assez de prudence pour recognoistre leurs artifices, de sagesse pour reietter leurs conseils, & de dextérité pour se mesler de leurs pieges.

Il est vray qu'il ne faut pas legerement soupçonner rien de mauuais des personnes des grands, qui

pour toutes sortes de considerations ont le plus d'interest à la gloire & manutention de ceste Couronne, si ny à il pas poutant peu à craindre que comme les mauuais esprits se meslent quelquefois parmy les orages & tourbillons de l'air pour faire quelque d'egalt & rauge, il ne se trouuaist aussi quelques mutins & fastieux parmy nous, qui se glissans dans les Conseils des Princes ne les poufissent insensiblement à quelque violente & dangereuse entreprise.

Il ny à iamais en vn grand & populeux Estat comme celuy cy faute de gens que l'impatience du repos public, l'inquietude d'une conscience cauterisee, la pesanteur des incommoditez domestiques & choses semblables tiennent incessamment aux escoutes, n'espians que l'occasion de quelque changement pour se jeter aux chāps, & faire profit, s'ils peuuent des ruines & calamitez de leur patrie : & estant trop foibles d'eux mesmes ils se ceptent sous l'autorité du premier Prince du sang, & pensent en son mescontentement se preualoir de leurs desseins pour s'opposer aux volontez de ceux qui ne desirent que le repos de l'Estat : & ne tiendra iamais à tels boute-feux & chercheurs de playe & de bosse, qu'il ne mette sa reputation & sa fidelité en compromis, s'ils le peuuent vne fois faire croire en leur Dieu : mais le grand Dieu qui tient entré ses mains les cœurs des grands princes de sa qualité & les tourne cōme il luy plaist pour le salut des peuples, fera que son affection au bien public sera tousiours plus estimée à la posterité que les nueueux d'or &



d'argent donnez par le Duc de Bourgogne pour  
desert à ses amis en vn magnifique & solemnel  
festin comme arres du desir qu'il auoit de bien re-  
dresser & compasser les affaires du Royaume non  
moins indisposé pour lors que le Roy l'estoit.

Nous croyons bien qu'il est vn Prince si bien  
né qu'il aymeroit mieux mourir mille fois que  
d'auoir rien attenté contre sa Maieité: Il pense biē  
faire, ie le croy ainsi, mais il se peut tromper: car  
nul ne se pourra iamais persuader riē de bō tāt qu'il  
esloignera aussi bien ses conseils que sa personne  
de ce grand air du Louure: les conferences fre-  
quentes qu'il faiēt tantost avec l'vn puis avec l'au-  
tre son seiour maintenant en vn lieu, demain en  
vn autre, ces grands broüillons & remueurs d'E-  
stat auxquels bien qu'absens de sa personne, ilz  
prennent neantmoins le fondement de remuer  
en sa retraicte & mescontentement, ces cho-  
ses certes qui se font ainsi sans l'adueu & l'autho-  
rité du souuerain au milieu de son Royaume,  
ne peuent pas donner au peuple bonne opinion  
d'vne longue continuation de paix, bien que son  
intention soit tres-pure & tres-simple, c'est sans y  
penfer en rendre suspecte la sincerité par la mau-  
uaise odeur de telles procedures.

Il ne faut point aller si loing pour parler libre-  
ment des choses concernantes vostre mesconten-  
tement: non non, monsieur le Prince, excusez  
s'il vous plaist, il ne falloit iamais abandonner ce  
beau Soleil du Louure pour luy représenter au  
loing les deffauts de son Estat, en laissant la France  
aux abois, en crainte & toute apprehensue de

voir ce qu'elle ne desire: vous eussiez à ce que dit tout le monde, beaucoup mieux procedé, si vous mesme d'un commun accord vous eussiez proposé de viue voix à Paris ce que vous auez fait depuis que vous en estes sorty par personnes interposees & par la respõce que vous auez faite à celle de sa Majesté, à Coucy en datte du seiziesme iour de Iuillet dernier passé: car la Royne sa mere tres-iudicieule Princeesse assistee de vos aduis eut donné ordre depuis le temps que vous estes absens de la Cour iusques à present, aux choses plus principales & raisonnables dont vous vous plaignez par la vostre: & maintenant que vous estes retiré & que vous proposez sur le tard vos aduis & des choses assez malaises à executer & reformer, il semble que vous ayez, ie ne sçay quel desir de retenir le Roy de faire son voyage, & par l'ordre que vous desirez qu'on donne auparauant aux affaires prescrites par la vostre, tenir en surseance l'accomplissement des alliances d'Espagne iusques à vne autrefois pour finalement en rompre les proiets à l'appetit de beaucoup de personnes peu affectionnez au repos public, & ainsi emporter par la subtilité de leurs Cõseils, aupres de vostre personne sepparee ce qu'ils ne pourroient obtenir en plein air de Cour par le deduit de leurs belles raisons: ceux qui vous cognoissent bien, Monsieur le Prince, iugent autrement de vostre inclination, mais quoy? ne sçauiez vous pas que le nombre des sages est tousiours le plus petit.

Nous ne doutons nullement que les remontrances du parlement ne soiēt tres-justes & loüables,



bles, car elles prouiennent de personnes meures de iugement, pleines de Conseil, accompaignees de prudence, & vieillies en l'experience des choses: mais peut on donner resolution sans vous: il ne se trouuera point qu'elles ayent esté mespriées comme on vous la faict entendre: il y aura tousiours temps & lieu d'y prendre aduis, vne autrefois,

Vous dictes que vous auez veu le commencement, le progres & l'issüe des estats vous ayant demeuré huiet mois à Paris pendant la tenue d'iceux & que la pluspart des deputez ont esté retenus de dire & proposer ce dont ils estoient chargez par les prouinces, vous scauez la place qui vous a esté tousiours reseruee au Conseil, & que iamais vous y estant il nes'est rien deliberé, proposé ny resoud que par vos aduis & de vostre consentement, que s'il y a quelques conseils qui s'y soient prias dont vous soyés mescontens: ce n'a pas esté faute d'en auoir iugé l'interest & le profit du public, mais plustost de n'auoir esté leurs majestez fortifiees de vostre persõne lesquelles quoy que vous disiez n'ont iamais rien tant désiré que le bien, l'ordre, la reformation & auancement de la chose publique. En quoy, toutefois s'il y a eu de la mauuaise intelligence entre les vns & les autres leur dites majestez ne vous ont elles pas promis d'en faire la reueüe & la correction toutes & quantefois que la volõté vous prendra de les assister en personne.

Quant à là iustice publique que vous demandez des personnes que vous notifiez par la vostre il semble que ces passions sont vn peu

trop violentes pour le temps où nous sommes & qu'il vaudroit beaucoup mieux toller le mal que vous y trouuez que de ietter dans l'estat vn scandale qui iamais ne se pourroit leuer avec louange. Les moyens doux & gracieux pratiquez à loisir pour la reformation d'un estat sont tousiours plus conuenables que toutes procedures violentes & precipitees : s'il y a quelques membres disloquez & clochants, faut il pour cela mettre tout le corps à la gene, faut il que fondant vos melcontentemens sur la faute de quelques vns, que le pauvre peuple lâguisse entre l'espoir & la crainte. Il y a comme il y a tousiours eu & y aura, quoy qu'on sçache faire, à l'aduenir quelques abus es ordres de ce Royaume, il ne se peut faire autrement : mais ils ne sont Dieu mercy point si grands, qu'ils ne soient beaucoup plus insupportables que les malheurs d'un trouble ciuil, qu'une desuion non necessitee nous pourroit à la fin charger sur nos espaules.

Le sçay bien que vous estes tous grands Princes, grands Conseillers d'estat, nez pour son repos & les plus interessez à sa conseruation, & partant estre a vous d'y auoir l'œil, & d'y tenir soigneusement la main en corrigeant les confussions publiques, & procurant la reformation de quelques vns qui pourroient chopper en leur deuoir : mais comment y deuez vous proceder, par remonstrances & supplications treshumbles faictes vous mesmes en personnes à leurs Majestez avec l'honneur & le respect cōuenable, car de crier de loing apres les abus vous ne pourrez estre ouys, & quelque

bône intention que vous ayez, de quelque sainte & louable consideration que vous soyez poussez, si vous n'estes presens pour deduire vos raisons, vous ne ferez autre chose sinon d'accroistre d'auantage les maux dont vous vous plaignez, & attirer la malediction de Dieu & du peuple sur vos testes, au bout du ieu il n'y aura personne qui ne vous blasme, & ne die que vous auez tort, bien que iustes & raisonnables en vos pretentions.

Il n'y faut pas aller avec tant de violence & d'ardeur, car on vous mettroit incontinent au cathalogue de ceux que l'Histoire remarque s'estre seruis du pretexte de reformer l'Estat, pour donner vent & lieu à leurs desseins & particulier interest, ia Dieu ne plaise, que ie meure plustost que i'entende ce reproche de vous.

Y eut il iamais Prince plus zelé, disoit-il à la reformation de l'Estat, qu'estoit autrefois le Duc de Bourgogne, qui gaignoit tout le monde de son costé pour y proceder de force contre ceux desquels il auoit peüt estre intention de se deffaire: mais la suite de ses violents deportemens fit assez cognoistre que ceste belle reformation dont il faisoit tant de parade par tout, n'estoit qu'un piege couuert pour y faire tóber les vns apres les autres, sous specieux pretextes, ceux qui trauersoient ses desseins, & remplir leurs places de personnes à sa deuotion, comme il fit à Montagu, Grand Maistre: ruse commune en tous siecles, à ceux qui ont voulu se vanger couuertement de leurs ennemis, ou establir leurs affaires particulieres dans la bien-veillance populaire, ainsi que



sont accusez dās nos histoires d'auoir fait autre-  
fois sous Charles VII. les Comtes de Clermont &  
de la Marche Princes du sang, le Connestable de  
Richemont, & quelques autres Officiers de la  
Couronne, pour se desfaire, comme ils auoient  
desia fait du Siac & Camus de Beaujeu, de deux  
ou trois, ausquels ils imputoient à crime la faueur  
& bonne grace du Roy, du nom & de l'autorité  
duquel il les accusoient d'abuser au preiudice &  
detrimement du pauvre peuple.

On sçait quel fut le pretexte de la Praguerie  
vnze ou douze ans apres, & quel le suit, & depuis  
de l'alliance faite en l'assemblée de Neuers entre  
les Ducs de Bourgongne, de Bretagne, d'Alençon  
& le Comte de Vendosme, qui marris de n'estre  
tenus aux degrez qu'ils croyoient leur appartenir,  
de n'estre appelez & suiuis aux Conseils honorez  
& respectez en leurs charges, soulagez en leurs  
terres, payez de leurs pensions, sous couleur de  
poursuiure le reglement de la iustice & soulage-  
ment du peuple, contraignirent le Roy assez em-  
pesché d'ailleurs contre l'Anglois, de leur accor-  
der à chacun en particulier ce qu'ils deman-  
doient.

Autant en firent sous Loys XI. son successeur  
ceux que le regret & despit de se voir posposez à  
certaines personnes de peu esleuez aux premiers  
rangs, vnit sous la couuerture du bien public pour  
la manutention de leurs dignitez, que le traicté  
de Conflans verifia deux ans apres auoir esté le  
vray & vnique but de ceste grande equippee: car  
apres auoir leurré le peuple du lustre de ceste an-

tant vantee que souhaitee reformation, ils convertirent toutes ces belles & plausibles promesses en vtils & honorables appointemens que l'histoire marque par le menu.

Le Duc de Berry frere du Roy a qui on auoit fait porter la matore, adiousta la Duché de Normandie a son appannage qu'il trouuoit trop petit.

Le Duc de Bourbon receut le payement entier de son mariage.

Le Duc de Bretagne recouura sa Comté de Montfort.

Le Duc de Calabre eut promesses d'estre assisté d'hommes & d'argent au recouurement du Royaume de Naples.

Le Comte de S. Paul eut l'office de Connestable.

Le Comte du Dunois, & les autres furent remis aux charges & dignitez qu'ils auoient tenuës sous Charles v. du bien du peuple, du reglement des affaires, pas vn seul mot, non plus que des douze tables, ou de la destruction de Troye.

Ce que nous rapportons particulièrement non tant pour flestrir la memoire de ces Grands Princes l'a d'aucun reproche que pour instruire les peuples à n'ouuir que sous bonnes enseignes l'oreille aux promesses & semonces de ceux qui ayans la reformation publique en la bouche n'ont le plus souuent rien moins en l'ame que le desir de la promouuoir & de l'aduācer, Blasme dont on ne peut pas sans calomnies charger ceux qu'il apparoiſtra tousiours en l'issuë, n'auoir suuant les protestations qu'ils en firent dès l'an passé, n'a-

noir esté meuz en cecy que d'un zele vn peu trop  
ardant possible, mais autrement louable du bien  
public, despoillé de toutes considerations par-  
ticulieres: car bien que les fausses impressiōs qu'o  
leur auoit donnees de la mauuaise affection de  
quelques vns des Principaux officiers de la Cou-  
ronne & plus confidentz seruiteurs de leurs Ma-  
iestez en leur endroit, les ayent excitez à s'en  
plaindre, si est ce que la passiō n'a pas eu ny n'aura  
iamais tant de force sur eux, que le respect du  
souuerain n'en ait tousiours d'auantage pour  
les empescher d'entreprendre rien sur ceux dont  
il n'approuuent pas les deportemens.

Il y a assez de donneur d'aduis parmy la France  
qui les voudroit croire on feroit vn beau mesna-  
ge, & ne tiendrait iamais à ceux là que les Prin-  
ces ne s'vnient & se liguent, s'ils les vouioient  
croire pour faire la morgue au Roy & à la Roy-  
ne afin qu'ils s'en souuiennent au temps aduenir  
mais pour Dieu tres illustres Seigneurs, si vous  
voulez faire parler de vous en bōne part ne croyez  
point ces mauuais Conseils, ny ces beaux Cō-  
seillers qui voudroient vous faire dresser des ar-  
mees en Mesopotamie pour aller faire des nou-  
uelles conquestes.

Quant à la Royne sa mere, puis qu'elle à manié  
& manie encores si d'extremement les renes de l'E-  
stat durant son basage, vous ne deuez auoir au-  
tre touche du bien public que son aūthorité & sa  
volonté: toutes propositions toutes assemblees  
faictes à son desceu, en derriere d'elle, loing du  
Conseil du Roy son fils, d'estituees de l'adueu



de leurs Maiestez, pour specieuses qu'elles soient  
seront tousiours grandement suspectes à tous les  
suiects de cet estat: son party est le party du Roy  
elle n'en a point d'autre, & par consequent le  
plus iuste, l'amour qu'elle porte maternellement  
à ce petit Vllisse sorty de ses chastes & venerables  
flancs, luy fera auoir soing de maintenir son Estat  
en repos. Or puis que nous auons donc trouué le  
party le plus iuste, nous auons vuidé toutes sortes  
de doubtes entre ceux qui ont la conscience & le  
courage comme il faut. Il ne faut point recher-  
cher autre chose, & quand on chercheroit l'assu-  
rance, il est aisé à voir que comme il est le plus iu-  
ste aussi est il le plus fort, & donc pourquoy ne  
luy obeiroit-on? Il est bien vray que la dignité  
du premier Prince du sang & la creâce des autres  
Princes & Seigneurs ioincts avec luy, emporte  
beaucoup de gens de ce costé, mais pourtant ils ne  
seront iamais en si grand nombre, que la conside-  
ration de la fidelité de mondit sieur le Prince en-  
uers l'Estat, & la reuerence de l'autorité souue-  
raine n'en retiennent tousiours quatre fois au-  
tant aupres de leurs Majestez, & par conse-  
quent ce seroit follie de s'opposer par force à  
leurs resolutions. Croyez moy, Messeigneurs, s'il  
vous plaist, soyez tousiours sages & vivez comme  
il faut, recognoissez vous pour subiects obligez,  
quoy que grands, aux loix du Prince & ne vous  
imaginez pas que vostre assemblee soit vn Senat  
Romain qui commandoit iadis aux Roys de la  
terre. Apprenez que ce n'est point à vous à qui  
leurs Majestez doiuent auoir recours pour ren-

dre compte de leurs actions c'est a eux à qui se  
doivent adresser les plaintes du public & non à  
vous car en cuidant vous fourrer bien auant aux  
affaires de l'Estat plus que de raison sans leur ad-  
ueu, vous pourriez en fin perdre l'occasion & le  
temps de remédier aux uostres.

FIN.